



## En Rusia, non sólo Putin rezume lgthfobia



Rusia Xusta (partíu miembru de la *Internacional Socialista*), el *Partíu Comunista* rusu y el fascista *Partíu Lliberal* tamién sofiten la persecución y criminalización de llesbianes, gais, tresexuales y bisexuales en Rusia

» Páxina 2

## Una comisión de la FIFA va proponer primir a Rusia y Qatar al respective de les sos lleis contra lgth

» Páxina 2

## El Topu Fartón 2013



» Páxina 4



miniAGE 6, 13 de setiembre de 2013  
Edición n'asturianu  
Ye una publicación de la Asociación  
**XENTE LGTB ASTUR (XEGA)**  
XEGA.ORG 985 224 029  
La so distribución ye llibre y de balde  
Creative Commons BY-NC-SA  
Papel ISO 14001

## HOMOFOBIA D'ESTÁU EN RUSIA

# XEGA denuncia la inalmitible situación de la población lgth en Rusia y la pasividá de los organismos internacionales

» Rusia levanta un nuevu Telón d'Aceru, esta vegada p'aisllar  
y callar a la población lgth



La folada de llexislación homofóbica que solmena los países del este d'Europa ye cada vez más esmolecedora. Desque la Federación Rusa decidió llexislar sobre aspectos rellacionaos cola “propaganda de la sodomía, el llesbianismu, la bisexualidá, el tresexnerismu y la pedofilia a menores” la situación foi evolucionando nun sentíu claramente restrictivu qu'**atenta contra les llibertaes individuales y los derechos básicos de les persones.**

La folada de la so política de cara a consolidar el sofitu que-y concede la llesia Ortodoxa de Rusia, nun momentu nel que per primer vegada, surdieron movilizaciones importantes cuestionando la llimpieza de los resultaos electorales.

Les disposiciones oficiales implantaes nesi país establecen el control de “(...) la distribución centrada ya incontrolada d'información xeneralmente accesible, que puede estropiar la salú, la moral y el desenvolvimientu espiritual de los menores d'edá (...)” lo que significa na práctica la imposibilidá d'encetar cualquier aspeutu rellacionáu cola diversidá na orientación sexual o la identidá de xéneru cola sida de protexer a la población infantil y adolescente.

Na práctica esto significa'l silenciamiento absolutu. **Rusia levanta asina un nuevu Telón d'Aceru esta vegada p'aisllar y callar a la población lgth.** Numerosos activistes que protesten contra esta llei discriminatoria

*Les tortures y asesinatos  
de persones lgth  
reprodúcense en Rusia  
con total impunidá*

Lo qu'empezó en San Petersburgo en forma de “prohibición de propaganda homosexual” foise estendiendo per toa Rusia hasta qu'el so presidente, **Vladimir Putin**, decidió convertir l'asuntu nun

» Sigue na páxina 2

» Vien de la portada

fueron deteníos y maltrataos. Den- de entós circulen numberoses in- formaciones que **denuncien una verdadera caza al gai per parte de grupos homófobos d'estre- ma derecha.**

Pa cerrar el círculu establezse que los visitantes estranxeros tendrán de portase "d'alcuertu a les riegles de permanencia nel ter- rritoriu de Rusia" lo que **yá pro- vocó tamién la detención de turistes europeos.**

**XEGA,** colectivu llesbianes, gais, tresexuales y bisexuales d'Asturies, recuerda que **los dere- chos qu'afecten a les persones lgth, son Derechos Humanos y qu'el nuesu país ta comprometi- u a la defensa de los mesmos en cualquier ámbitu d'actuación internacional.** Por ello creemos que'l **gobiernu español tendría de condergar esta situación y lliderara l'adopción d'actuaciones concretes que puedan favorecer la abolición d'estes lleis restrictives y discriminatories.** Creemos qu'ente la inminencia d'aconteci- mientos deportivos que se van ce- lebrar en Rusia, España y l'Unión Europea deberien entamar una denuncia activa de la situación **encamentando al Comité Olímpicu Internacional a que se su- me a dicha iniciativa que fraya, tamién, los derechos de dellos atletas.** Convien recordar que **los acontecimientos deportivos fueron instrumentalizaos en numberoses ocasiones por ré- ximes políticos autoritarios que víen nellos una forma de lleixitimase** ente la comunidá in- ternacional.

**L'Estáu español nun tendría de ser cómpiz d'esta situación.**

## En Rusia, non sólo Putin resume lgtbfobia

» *Rusia Xusta, el Partíu Comunista rusu y, cómo non, el fascista Partíu Lliberal tamién sofiten la discriminación de llesbianes, gais, tresexuales y bisexuales en Rusia*

La llei contra la "propaganda homosexual" que **dexa a les au- toridaes ruses escorrer, dete- ner y sancionar -incluyendo penes de cárcele- a llesbianes, gais, tresexuales y bisexuales (lgth)** y que, per otru llau, garanti- za la **impunidá nos frecuentes casos d'humillación, tortura y asesinatu de persones lgth** foi aprobada por 436 votos a favor, namás una astención y nengún vo- tu en contra.

De los 450 escaños que compo- nen la Duma estatal rusa, 238 tán ocupaos por **Rusia Xunida,** el partíu de **Vladimir Putin,** 92 pol **Partíu Comunista de la Federa- ción Rusia,** 64 escaños corres- puenen a **Rusia Xusta,** partíu miembru de la **Internacional Socialista** -igual que'l Partíu Socia- lista Obreru Español (PSOE)- y 56 escaños tán ocupaos polos fascis- tes del **Partíu Lliberal.**

Asina, la vergonzosa llei foi aprobada col sofitu de toos y cada unu de los parlamenarios presentes de **Rusia Xunida, Partíu Comunista, Partíu Lliberal y Rusia Xusta** sacante unu de los sos miembros, **Ilya Ponomarev,** que s'astuvo.

## Una comisión de la FIFA va proponer primir a Rusia y Qatar al respective de les sos lleis contra lgtb



El grupu de trabayu de la FIFA encargáu de lluchar contra la **dis- crimination va proponer a la Federación Internacional de Fútbol** qu'actúe contra les lleis que discriminen a la población lgth en Rusia y Qatar, países es- coyíos p'acoyer los mundiales de fútbol de 2018 y 2022 respectiva- mente.

Los organismos deportivos in- ternacionales, como la mesma FI- FA o'l **Comité Olímpicu Internacional (COI),** caracterizá- ronse hasta la fecha por faer la vista gorda ente les violaciones de los Derechos Humanos en países organizadores como China y Ru- sia, pero la presión de movimien- tos asociativos y figures públiques taría provocando que les sedes de los eventos y patrocinadores como Coca-Cola, McDonald's y VISA amuesen la so esmolición.



omitry Isakov, 24 años, deteni- u en Kazan el mes de xunu pasáu, el mesmu fin de selmana que s'aprobaba la llei contra la "propaganda homosexual". Fueron los sos propios padres quienes lu denunciaron y acompañaron a los axentes de Policía hasta la plaza na que omitry protestaba contra dicha llei portando una pancarta que dicía "ser gai y respetar a los gais ye normal. Afrellar a los gais y matar gais ye un crimen". Dende entós atópase na cárcele a la espera de xuiiciu acusáu de defender los derechos de llesbianes, gais, tresexuales y bisexuales.



# #DendeRusiaConAmor



## XEGA arguyosa d'El Topu Fartón, que nun va servir vodka ruso

» *El míticu chiringu namás va servir vodka de destilerías comprometíes colos derechos de llesbianes, gais, tresexuales y bisexuales*



El voluntariáu de **XEGA** quier amosar el so arguyu de formar parte d'**El Topu Fartón** que, tres 30 años llevando la llucha contra la xenofobia y el racismu, la reivindicación y dignificación llingüística, la sensibilización social sobre'l respetu a la diversidá sexual y d'identidá de xéneru, y la prevención del VIH/Sida y otros ITS a les cais d'Uviéu nun ambiente folixeru y distendíu mientres les fiestes de San Mateo, nun va servir vodka d'orixe rusu.

Nel so llugar, va disponer de la bébora d'una conocida destilería sueca que, nel branu de 2008, sacó una edición especial de la so botella característica serigrafiada **cola bandera del Arcu La Vieya y un manifestu en favor de la diversidá sexual como conmemoración de 30 años de llucha LGTB** (la bandera del Arcu La Vieya fuera adoptada pol Movimientu LGTB el branu de 1978) y **como amuesa de sofitu nel alderique sobre'l Matrimoniu Igualitariu en Suecia, que finalmente s'implantó al añu siguiente, en 2009.**

Tamién va disponer d'otru vodka fecho en Países Baxos que, en 2001, convirtióse **nel primer país del mundu en reconocer el derechu de les pareyes del mesmu sexu a contraer Matrimoniu.**

\* Si yes menor d'edá nun puedes tomar bébores alcohóliques. Bebe con moderación, ye la to responsabilidad.

## El Topu Fartón 2013

» *El Topu Fartón, tres 30 años ininterrumpíos, sigui calteniendo la esencia orixinal del modelu de fiestes de San Mateo*

Tenemos de recordar que dellos chiringos (cada vez menos) son xestionaos por asociaciones ensin ánimu de llucru, atendíos poles persones voluntaries que nun perciben remuneración económica pol trabayu que faen y que los sos beneficios son destinaos a les actividaes que cada asociación realiza a lo llargo del añu nos sos ámbitos d'actuación. Esti ye l'espíritu col que nacieron los chiringos nel añu 1983 y esti ye l'espíritu que compartimos el colectivu y col que queremos siguir trabayando y collaborando nunes fiestes de San Mateo abiertes y participatives.

Somos asociaciones ensin ánimu de llucru, culturales, vecinales, de festexos, deportives, sociales, solidaries... Somos una parte importante de la vida y del texíu asociativu d'Uviéu, una parte de la sociedá civil d'esta ciudá. Creemos que'l trabayu que faen les asociaciones mientres l'añu, gracies a los beneficios llograos



pola instalación del chiringu contribúi a la vida cultural y vecinal del nuesu conceyu. Nes nueses asociaciones tamién hai persones desemplegaes o con trabayos precarios que, sicasi, apurren desinteresadamente el so esfuerzu mientres les fiestes pa sacar alantre'l so chiringu y asina poder llevar a cabu mientres el restu del añu les actividaes propies de cada asociación.

Nel casu concretu d'**El Topu Fartón**, ye'l voluntariáu de les asociaciones **SOS Racismu Asturias, Xunta pola Defensa de la Llingua Asturiana, XEGA**, otros movimientos sociales ya inclusive persones a títulu individual qu'enes apurren el so tiempu y el so esfuerzu como exerciciu de visibilidá y normalización, de llucha contra la xenofobia y el racismu, la reivindicación y dignificación llingüística, la sensibilización social sobre'l respetu a la diversidá afectivosexual y d'identidá de xéneru y la prevención del VIH/Sida y otros ITS nun ambiente de folixa y distendíu.

El nuesu trabayu voluntariu nel chiringu ye fundamental p'apurricar los recursos económicos necesarios pa caltener les acciones sociales de los nuesos colectivos.

Я хочу твою любовь - необходимое, страстное, нежное, свободное.

Quiero'l to «quíerote» indispensable, apasionáu, sele, lliberáu.  
Xulio Vixil Castañón



en San Mateo te  
**aSEXoramos**  
a través de



**WhatsApp**

**684 609 684/5**  
Sábadu 14, xueves 19 y sábadu 21  
De 20:00 a 01:00 hores

UNA INICIATIVA DE  
**cmpa.es**

